



**Lvdovici Molinæ, E Societate Iesv Theologiæ Doctoris, &
Professoris, Commentaria, In primam D. Thomæ partem**

Molina, Luis de

Lugduni, 1622

Qvæstio XXX. De pluralitate diuinarum personarum.

[urn:nbn:de:hbz:466:1-73915](#)

A non vero sequitur, ipsas personas, quæ includunt essentiam, & addant suas proprietates personales, quibus inter se distinguuntur, habere vnam dum taxat substantiam. Ut enim tres personæ diuinæ sunt tria entia habentia suas peculiares entitatis, & vnumquodque est perfectissimum propter entitatem diuina essentia, quam includit: sic etiam sunt tria entia substantia suis peculiaribus substantiis, in quarum quavis includitur substantia perfectissima diuina essentia.

A d 3.
Subsistere latius patet
quam absolutum, &
relativum: non secus ac res,
accidens, & substantia latius patent, communique
sunt quibusdam absolutis, & respectu. Quemadmodum autem quando relatum aliquid significatur
nomine cuiusdam rei, cuiusdam accidentis, vel cu-
ijsdam substantia, non reciprocatur cum suo cor-
relativo: nec enim recte dixeris, hec res, ostendo
patre, et illius rei, nempe filio, hec res, nec in huma-
nis ostendo patre dixeris, hoc accidens in concreto
est illius accidentis, nepe filio, hoc accidens, nec etiam
in diuinis dixeris, hec substantia, ostendo Patre
eterno, et huius substantiae, nepe Filio, hec substan-
tia: tamen hec omnes res in se sunt respectu: sicut eti-
a substantia peculiare Patris, significatum vocabulo
subsistere, non reciprocatur cum subsistere Filii, sto-
in se res quedam sunt relativæ, existentiamve respe-
ctuam includant. Adde, subsistere, quodcumque il-
lud sit, includere negationem independentis ratione:
cuius, eto res, quæ subsistit, relativæ sit, vt tamen si-
gnificatur hoc nomine, substantia, non dicatur reci-
procè cum suo correlativo. Iuxta hec exponere
quis forte potest Augustinum, dum assertur *subsis-*
te quid absolute, & non relativum, vobis solim
habere modum absolute, & non relativum, vt ita signi-
ficiatur. Veritas tamen est, Augustinum, sicut & Hie-
ronymum, renuisse, eo tempore concedere tria sup-
posita diuina esse tres substantias, arbitratumque
fuisse omnem substantiam esse quid absolute, im-
plicareque contradictionem, quod aliquid sit sub-
stantia, & relativum. Quamvis, cum in eisdem libris
sepe propenderit in eam sententiam, vt dicere, co-
cedi posse tria supposita diuina esse tres substantias,
vt dicitur, ostendit, non satis firmiter adhuc ei
opinioni, quæ asserit, substantiam in diuinis non
comprehendere sub se substantias relativas. Nam ve-
rò hodie satis dilucidum, receptumque est, esse sub-
stantias in diuinis formaliter, & intrinsecè relativas.

Q V A E S T I O X X X .

De pluralitate diuinarum personarum.

ARTICVLVS I.

Virum in diuinis sint plures persone.

Onclusio affirmat, estque fidei dogma, vt ex testimonio, tum alias, tum quæst. 27. artic. 1. citatis, constat. Circa responsionem ad quartuman-
maduentendum est, cum numerus trium personarum diuinarum transcendens sit: numerus vero transcendentis sit aggregatum ex multis virutibus, quarum quævis est sola ipsa entitas, quæ dicitur vna, connotando quod indivisa sit in se, & divisa, seu non eadem, cum quacunque alia, efficitur, vt cum entitates trium personarum diuinarum non so-
lum sint eiusdem perfectionis, sed etiam idem pro-
Molina in D. Thom.

A fus cum essentia (quam singula includunt) ternarius numerus personarum diuinarum, nec proprietas totum, respectu singularium personarum, nec singula personæ sunt partes illius: quod non cernitur in aliis numeris, quippe cum singulare, ac proprium huius numeri sit, vt omnes tres entitates, in quibus inuisit, sint idem prorsus cum vna numero entitatis in singulis inclusa, nempe cum diuina essentia, que tanta est, quanta tota sanctissima Trinitas: quare cum illa in singulis includatur, singula persona tantum sunt quantum tota gloriosissima Trinitas, vt Pater tantus est, quantum omnes tres personæ, simul, tametsi propter oppositionem eti-
larium entitatis, aliarum personarum adorandis summa Trinitatis non sunt Pater, sed ab eo re ipsa distinguntur.

ARTICVLVS II.

Virum in Deo sint plures persone quam tres.

CONCLUSIO est. Tantum sunt tres personæ diuina. Est de fide, vt locis articulo precedente citatis ostensem, est. D. Tho. eam probat in hunc modum. Personæ diuinae sunt ipsamē relations diuinae inter se distincte: sed in Deo nullæ relations distinguuntur re inter se, nisi quæ opponuntur relaciæ: ergo relations, quæ habuerint inter se oppositionem, pertinebunt ad distinctas personas: cum ergo paternitas & filiationis distinctæ opposita inter se, pertinebunt ad duas personas: spiratio vera, actiua & processio, seu spiratio passiva, quamvis inter se sunt opposita, quia tamen non opponuntur paternitati & filiationi, salrem altera esse poterit in Patre & Filio: hoc autem dici non potest de processione seu spiratione passiva, quandoquidem sequetur Patrem & Filium procedere ab spirante: ergo spiratio actiua conuenient Patri & Filio, atque proinde processio, seu spiratio passiva, quæ opponitur spirationi actiua, conuenient alteri personæ distinctæ à Patre & Filio, eruntque proinde tres tantum personæ in Deo.

Dilucidius deducitur eadem conclusio à Durando in 1. d. 10. q. 22. hac ratione. Personæ diuinae distinguuntur relationibus originis: ergo in Deo est vna tantum persona, quæ à nulla alia procedit. Consequens est manifesta, quoniam si in Deo essent dua personæ, quarum neutra procederet ab alia, neque amba à quadam tertia, illæ non distinguenter relationibus originis: quandoquidem inter eas non esset relatio originis: quare vel non distinguenter, vel discrimen sument à proprietatibus abso-
lutis, ac proinde essent plures Dij. Hinc Hilarius in libro de synodis. Cum vnu Deus sit, duo inaccessibiles (id est, qui non sunt ab alio) esse non possunt. Est ergo in Deo vna tantum persona, quæ à nulla alia procedit, & hæc dicitur Pater, appellatur etiam à Sanctis innascitum, quod à nulla alia sit: tunc sic proceditur: In Deo sunt tantum duas processiones, eò quod ex eo sunt secundum operationes ad intra, quæ in eo sunt duæ tantum, videlicet intelligere & velle, ut supra est ostensum. Cum ergo iuxta numerum processionum sit numerus personarum pro-
cedentium, eò quod vbi producio semper est unifor-
mis, nec indiget materia (vt cernitur in Deo propter omnimodam immutabilitatem & actualitatem) vnum numero duxat producere, inde est, vt persona pro-
cedentes sint tantum duæ, vna per intellectum, quæ est Filius, & altera per voluntatem, quæ est Spiritus san-
ctus: quare persona diuina tres tantum sunt.

N n 3 Obiicies,

